

SCRIPT OF MORNING GOJRI NEWS BULLETIN 28FEB 2026 1015HRS

مارننگ گوجری نیوز بولیٹن 28 فروری 2026

\*\*\*\*\*

یوہ آکاشوانی جموں ہے محمد اکرم تیں خبر سُنو۔

\*\*\*\*\*

PM HVP JK

وزیر اعظم نریندر مودی راجستھان گا اجمیر تیں 14 سالہ بچیاں واسطے ملک بیومنس پیپیلوما وائرس ویکسنیشن پروگرام غو آغاز کریں گا۔ قومی سطح ور نفاذ گے نال ملک بھر مانہ جموں کشمیر سمیت تمام 20 ضلعان مانہ عمل درآمد واسطے مکمل طور ور تیار ہے۔ کمشنر سیکرٹری صحت ایم۔راجو نے گزشتہ روز ریاستی ٹاسک فورس غی میٹنگ غی صدارت کی۔ تانجے یوٹی مانہ شناخت شدہ 1 لکھ 35 ہزار مُستفیدین غی 100 فی صد کوریج نانہ یقینی بنایو جاسکے۔ ٹیکہ کاری غو آغاز اج یو ٹی مانہ نامزد سرکاری صحت مراکز ور کیو جے غو۔ جت تربیت یافتہ عملو کولڈ چین سسٹم تے تکنیکی اندراج غی سہولیت موجود ہے۔

\*\*\*\*\*

CM SATTE

وزیر اعلیٰ عمر عبداللہ نے گزشتہ روز نویں دلی گا یشو بھومی کنونشن مرکز دوارکا مانہ منعقدہ سیٹی 2026 گو دورو کیو۔ تے جموں کشمیر نانہ ملک غی نمایاں تمام موسمی سیاحت مراکز غا طور ور بادو دین گا اپنی حکومت گا عزم گو عادو کیو۔ اس دورہ غے دوران وزیر اعلیٰ نے جموں کشمیر پولین گو معائنو کیو تے سیاحت نال جُڑیا شراکت داراں تے معروف ٹور ٹریول آپریٹر نال ملاقات کی۔ میڈیا نال گل بات کرتا واں اُنہاں نے کہیو کہ مرکز غے زیر انتظام علاقہ مانہ سیاحت گا دائرہ مسلسل وسیع ہو رہیا ہیں۔ جس مانہ مہم جوئی بھر پور ثقافتی و تاریخی ورثہ گا تجربات عالمی معیار غی ایم۔آئی۔سی۔ای سہولیات شامل ہیں۔

\*\*\*\*\*

## Dy CM MINING

نائیب وزیر اعلیٰ سریندر چودھری نے جموں کشمیر مانہہ غیر قانونی کان کنی ور قابو پان واسطے سخت نفازی اقدامات کرن واسطے احکامات جاری کیا ہیں جموں ماہہ محکمہ کان کنی گا اعلیٰ سطحی اجلاس غی صدارت کرتا وائ انہاں نے ہدایت کی کہ کرشر ور لازمی ای چالان کان کنی گا سامان واسطے جان آلی تمام گڈیاں غی جی۔پی۔ایس غے ذریعت ٹرکینگ تے ایک پرچی ایک لوڑ گا اصول گا نفاز نانہہ یقینی بناوین انہاں نے ڈپٹی کمشنر تے ٹاسک فورسز نانہہ خلاف ورزی کرن آلا غے خلاف سخت کاروائی واسطے مکمل اختیارات دیتا وائ غیر قانونی کان کنی غے خلاف حکومت غی ناقابل برداشت پالیسی نانہہ دبرایو ہے۔

\*\*\*\*\*

## RANJI TROPHY

جموں کشمیر کرکٹ ٹیم کل فائنل مانہہ زبردست کارکردگی تے اج اچھی شروعات غے بعد رانجی ٹرافی مانہہ تاریخ بنان غے نیڑے ہے۔ تیز گیند باز عاقب بنی نے پہلی پاری مانہہ 54 دوڑ غو عوض مانہہ 5 وکٹ حاصل کی ہیں۔ یاہ سیزن مانہہ ان غی 7 وین وکٹ ہیں کیونجے کرناٹک 293 دوڑ ور باہر ہوو تھو جس نال جموں کشمیر نانہہ پہلی پاری مانہہ 291 دوڑ گی برتری حاصل ہوئی تے دوجی پاری مانہہ جموں کشمیر 204 دوڑاں ور 4 کھیڈاری آوٹ ہیں۔ قمران اقبال 98 دوڑ بنا غے ناآباد ہے۔ اس دوران وزیر اعلیٰ عمر عبداللہ نے کرناٹک گا قصبہ بلی مانہہ اج کھیڈ غا آخری تہاڑے ٹیم غی حوصلہ افزائی واسطے موجود ہیں۔

\*\*\*\*\*

## DIV COM FELICITATION

صوبائی کمشنر جموں رامیش کمار نانہہ بھارتی فوج غی طرفوں ایک خصوصی تقریب مانہہ پٹھانکوٹ مانہہ اعزاز نال نوازیو گیو۔ جت اُن ناہہ اپریشن سندور غے دوران مثالی قیادت ور سہرايو گیو صوبائی کمشنر نانہہ سیول تے فوجی اداراں غے بشکار موثر تال میل تے عوامی خدمات غی

فراہمی غے نال نال افواج نانہ بہر پور تعاون فراہم کرن ور اعزاز دتو گیو۔  
مغربی کمان گا جنرل آفیسر کمانڈنگ ان چیف نے اُن غی لگن تے خدمات گا  
اعتراف مانہ اُن نانہ اعزاز نال نوازیو جس نال قومی سلامتی گا تحفظ مانہ  
مضبوط سیول انتظامیہ تے فوجی تال میل غی اہمیت اُجاگر وے۔

\*\*\*\*\*

## PROG ANN

علاقائی خبراں آلو شعبو آکاشوانی جموں قومی سائنس تہاڑا 2026 غا موقع  
ور یعنی اج 28 فروری 2026 نانہ تہاڑی گا 12 بج غے 30 منٹ ور، 30 منٹاں گو  
ایک خصوصی پروگرام نشر کرے گو۔ اس خصوصی نشریات غو موضوع وے  
غو، سائنس مانہ خواتین وکست بھارت مانہ تیزی غو سبب بن رہی ہیں۔ اس  
پروگرام مانہ ماری مہمان ویں غی، ڈاکٹر سفالہ گُپتا، چیف سائنس دان،  
سی۔ایس۔آئی۔آر، بھارتی ادارہ برائے جامع ادویات جموں، وہ اس موضوع تیں  
متعلق اپنا خیالات تے ماہرانہ رائے پیش کریں غی۔ اس پروگرام غی میزبانی کریں  
غی، ماری انکر شروتی کھجوریہ۔

\*\*\*\*\*